

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 18.06.2021թ.
կայացված ԱՖ691386 որոշումն անփոփոխ, իսկ վարչական բողոքն առանց
բավարարման թողնելու մասին

<< 29 >> 06 2021թ. 7-13- 10259

ք.Երևան

Ճանապարհային ոստիկանության պետ, ոստիկանության գնդապետ
Ե.Կարապետյանս, վերանայելով Մասիս Գրիգորյանի ՄԴ/50084-21 դիմումի քննարկման
արդյունքում ստեղծված նյութերը՝

Պ Ա Ր Զ Ե Ց Ի

Սյունիքի մարզի, Վաղատուր գյուղի, 1-ին փողոցի, 7-րդ տան բնակիչ Մասիս
Գրիգորյանը դիմումով խնդրել է բեկանել Ճանապարհային ոստիկանության վարչական
իրավախախտման գործով 18.06.2021թ. կայացված ԱՖ691386 որոշումը՝ նշելով, որ չի
օգտագործել ալկոհոլային խմիչք:

Դիմումի քննարկման արդյունքում պարզվել է, որ վարչական իրավախախտման
գործով կայացված ԱՖ691386 որոշումը ենթակա է կատարման հետևյալ
պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի
24-րդ հոդվածի 7-րդ մասի <<ա>> կետի համաձայն՝ վարորդին արգելվում է
տրանսպորտային միջոցը վարել ոչ սթափ վիճակում:

Վարչական իրավախախտումների վերաբերյալ << օրենսգրքի 126-րդ հոդվածի 1-ին
մասի համաձայն տրանսպորտային միջոցները ոչ սթափ վիճակում վարելը, եթե վարորդը
միայն ալկոհոլի ազդեցության տակ է, և զանցանքը չի պարունակում սույն հոդվածի
երկրորդից հինգերորդ մասերի հատկանիշները՝ առաջացնում է տուգանքի նշանակում՝
սահմանված նվազագույն աշխատավարձի հարյուրիսնապատիկի չափով: **Նույն
հոդվածի 2-րդ մասի համաձայն՝ սույն հոդվածի առաջին մասով նախատեսված
արարքը կատարելը, եթե վարորդի արյան մեկ լիտրի մեջ մաքուր ալկոհոլի
պարունակությունը գերազանցում է 1 գրամը կամ եթե նրա մեկ լիտր արտաշնչած օդի
մեջ մաքուր ալկոհոլի պարունակությունը գերազանցում է 0.5 միլիգրամը՝ առաջացնում
է տրանսպորտային միջոցներ վարելու իրավունքից զրկում՝ մեկ տարի ժամկետով:**
Նույն հոդվածի 9-րդ մասի համաձայն՝ սույն օրենսգրքով նախատեսված դեպքում անձը
համարվում է ոչ սթափ վիճակում գտնվող, եթե ստուգմամբ պարզվում է, որ նրա մեկ լիտր
արյան մեջ մաքուր ալկոհոլի պարունակությունը 0.2 գրամից կամ մեկ լիտր արտաշնչած
օդի մեջ 0.1 միլիգրամից ավելի է, կամ եթե անձի արյան կամ մեզի մեջ առկա է թմրամիջոցի
կամ հոգեմետ (հոգեներգործուն) նյութի պարունակություն: Անձը համարվում է ոչ սթափ
վիճակում գտնվող նաև այն դեպքում, երբ նրա արյան կամ արտաշնչած օդի մեջ սույն
մասում նշված չափով մաքուր ալկոհոլի կամ արյան կամ մեզի մեջ թմրամիջոցի կամ
հոգեմետ (հոգեներգործուն) նյութի պարունակությունը ոստիկանության ծառայողի կողմից

տրանսպորտային միջոցը կանգնեցնելուց կամ այդ անձին առնչվող ճանապարհատրանսպորտային պատահարից հետո, բայց մինչև նրա սթափության վիճակի զննություն անցկացնելը կամ սթափության վիճակի զննություն անցնելուց նրան ազատելը, այդ անձի կողմից ակտիվության խմբի, թմրամիջոց կամ հոգեմետ (հոգեներգործուն) նյութ օգտագործելու հետևանք է:

Ուսումնասիրությամբ պարզվել է, որ 18.06.2021թ. ժամը 02:40-ի սահմաններում Երևան քաղաքի Ֆուլիկի փողոցում դիմումատուին իր վարած <<VAZ>> մակնիշի 35SN068 հաշվառման համարանիշի ավտոմոբիլի մասնակցությամբ տեղի ունեցած ճանապարհատրանսպորտային պատահարից հետո, վարորդների սթափության վիճակը ստուգվել է Ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի տեսուչ, ոստիկանության մայոր Զ. Գալստյանի և նույն դասակի տեսուչ, ոստիկանության ավագ լեյտենանտ Ա.Մինասյանի կողմից: Ստուգումից պարզվել է, որ վարորդի արտաշնչած 1 լիտր օդի մեջ պարունակվել է 0.572 մգ/լ ակտիվ: <<Ճանապարհային երթևեկության անվտանգության ապահովման մասին>> ՀՀ օրենքի 24-րդ հոդվածի 7-րդ մասի <<ա>> կետի պահանջը խախտելու համար՝ Ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի տեսուչ, ոստիկանության մայոր Զ.Գալստյանը 18.06.2021թ. Վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով կայացրել է վարչական իրավախախտման գործով ԱՖ691386 որոշումը՝ Մասիս Գրիգորյանին վարչական պատասխանատվության ենթարկելու մասին:

Ճանապարհային ոստիկանության ծառայողների կողմից տրված պարզաբանումների համաձայն՝ վթարին մասնակից վարորդների սթափության վիճակի զննությունը անցկացվել է <<Jupiter>> տեսակի թիվ 858586 գործարանային համարի ակտիվ տեսուչ սարքով, որը ստուգաչափված է Հայաստանի Հանրապետության Էկոնոմիկայի նախարարության <<Ստանդարտացման և չափագիտության ազգային մարմին>> ՓԲԸ-ի կողմից, որն ուժի մեջ է 26.10.2020թ.-ից մինչև 26.10.2021թ. և դրանով արձանագրված սթափության աստիճանը կասկած չի առաջացնում, ինչպես նաև ներկայացրել են <<Ակտիվ տեսուչ>> սարքի ստուգաչափման մասին թիվ N038839 վկայականը:

Ոստիկանության ծառայողները նշել են, նաև որ իրենց և վարորդի միջև ծառայողական բնույթի խոսակցություններից բացի այլ խոսակցություններ տեղի չեն ունեցել:

Քաղաքացի Մ.Գրիգորյանը հրավիրվել է ճանապարհային ոստիկանության, վարչական բողոքների քննության բաժին, որտեղ գրավոր բացատրությամբ պնդել է իր դիմումում նշված հանգամանքները և պահանջել գրավոր պատասխան:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով նախատեսված հատկաանիշները, իսկ ԱՖ691386 որոշումը օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

ՈՐՈՇԵՑԻ

- 1 Ճանապարհային ոստիկանության վարչական իրավախախտման գործով 18.06.2021թ. կայացված ԱՖ691386 որոշումը թողնել անփոփոխ, իսկ վարչական բողոքն առանց բավարարման:
- 2 Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
- 3 Սույն որոշման օրինակն ուղարկել Մասիս Գրիգորյանին և Ճանապարհային ոստիկանության ՃՊԾ 1-ին սպայական գումարտակ:

Կատարող՝ Գ.Հրաչյան
Հեռ.011-544-783



Ե. Կարապետյան